



**KEMENTERIAN KESIHATAN MALAYSIA
MINISTRY OF HEALTH MALAYSIA**

Kementerian Kesihatan Malaysia,
Aras 12, Blok E7, Parcel E,
Pusat Pentadbiran Kerajaan
Persekutuan,
62590 Putrajaya

Tel :603-88832545
Faks :603-88895542
Email : kkm@moh.gov.my

**KENYATAAN AKHBAR
TIMBALAN KETUA PENGARAH KESIHATAN (KESIHATAN AWAM)
KEMENTERIAN KESIHATAN MALAYSIA**

SITUASI SEMASA DEMAM DENGGI DI MALAYSIA

Bagi Minggu 5/2013 (27 Januari hingga 2 Februari 2013)

Pada minggu ke 5 tahun ini, iaitu bagi tempoh 27 Januari hingga 2 Februari, sejumlah 416 kes Demam Denggi telah dilaporkan di seluruh negara. Lima (5) negeri menunjukkan peningkatan kes berbanding minggu sebelumnya, iaitu Sabah 9 kes (53%), Pahang 6 kes (67%), WP Kuala Lumpur & Putrajaya 4 kes (19%) dan masing-masing 1 kes di Melaka (10%) dan Kelantan (6%) (**Lampiran A**). Jumlah kumulatif kes Denggi yang dilaporkan dalam tempoh 5 minggu tahun 2013 adalah sebanyak 2,560 kes, berbanding 2,413 kes bagi tempoh yang sama pada tahun 2012 iaitu peningkatan sebanyak 6 % (147 kes). Pada tempoh yang sama, jumlah kumulatif kematian Denggi yang dilaporkan adalah sebanyak 5 kematian, berbanding 10 kematian pada tahun 2012.

Pada minggu lepas, terdapat 89 lokaliti wabak Denggi di 8 negeri iaitu Selangor (55 lokaliti), Johor (10 lokaliti), WP Kuala Lumpur & Putrajaya (6 lokaliti), Perak (5 lokaliti), Pahang (2 lokaliti), Sabah (2 lokaliti) dan Negeri Sembilan (1 lokaliti). Daripada jumlah tersebut 3 negeri melaporkan lokaliti wabak tidak terkawal iaitu di daerah Petaling,Selangor di USJ 11/14 Subang Jaya yang melaporkan 5 kes

(20 hari berwabak), TSC Serindit, Johor Bharu yang melaporkan 6 kes (23 hari berwabak) serta di SQ Mozako, Bintulu melaporkan 19 kes (29 hari berwabak).

Nyamuk Aedes adalah pembawa virus Denggi dan langkah yang bijak untuk mengelakkan jangkitan Denggi adalah memastikan kawasan persekitaran anda bebas daripada tempat-tempat pembibitan nyamuk Aedes. Oleh itu aktiviti pencegahan melalui pembersihan kawasan persekitaran dan penghapusan tempat pembibitan Aedes seminggu sekali oleh masyarakat perlu dilaksanakan. Luangkan hanya 10 minit seminggu, untuk mencari dan memusnahkan tempat pembibitan Aedes. Perlu diingati slogan **“TIADA AEDES, TIADA DENGGI”**.

KKM menyeru kepada semua masyarakat, sempena cuti perayaan tahun baru Cina yang panjang, dijangkakan ramai masyarakat balik ke kampung melawat sanak saudara, maka pastikan persekitaran rumah anda bebas daripada pembibitan Aedes. Disamping itu bagi mereka yang meninggalkan rumah kerana bercuti, sila pastikan tiada bekas yang ditinggalkan boleh membibit Aedes. Agensi-agensi media juga diminta membantu Kementerian Kesihatan bagi meningkatkan siaran serta nasihat berkaitan langkah pencegahan dan kawalan Denggi daripada bahan-bahan yang diedarkan oleh Kementerian Kesihatan. Siaran secara berterusan ini diharap akan membantu memberikan kesedaran kepada semua golongan masyarakat akan pentingnya tindakan pencegahan dan kawalan Denggi yang berterusan. Golongan belia, khususnya yang tinggal di kawasan berwabak perlu mengamalkan semangat kesukarelawan seperti program 1 Malaysia For Youth (IM4U) yang telah dilancarkan baru-baru ini YAB Perdana Menteri, Datuk Seri Najib Tun Razak untuk bersama mengambil inisiatif melakukan gotong

royong membersihkan kawasan persekitaran supaya bebas dari pembiakan Aedes.

DATUK DR LOKMAN HAKIM BIN SULAIMAN

Timbalan Ketua Pengarah Kesihatan (Kesihatan Awam)
Kementerian Kesihatan Malaysia

6 Februari 2013

Lampiran A

KES DENGGI DILAPORKAN PADA MINGGU 05/2013
(27 Januari hingga 2 Februari 2013)

Bil	Negeri	Bilangan Kes dan Kematian di laporkan		Jumlah Terkumpul kes Denggi sehingga minggu 05/2013	Jumlah Terkumpul kes Denggi sehingga minggu 05/2012
		Minggu 05 (27 Januari – 2 Februari 2013)	Minggu 04 (20 – 26 Januari 2013)		
1	Perlis	4	4	15	15
2	Kedah	12	13	75	79
3	P. Pinang	12	19	83	99
4	Perak	45	47	201	183
5	Selangor	199	243	1,155 (1)	1,077 (5)
6	WPKL & Putrajaya	25	21	121	269 (3)
7	N. Sembilan	9	9	50	46 (1)
8	Melaka	11	10	48	78
9	Johor	38	52	248 (1)	162
10	Pahang	15	9	65	82
11	Terengganu	2	6	23	81
12	Kelantan	19	18	120	112
13	Sarawak	44	51	245 (2)	81
14	Sabah	26	17	111 (1)	47 (1)
15	WP Labuan	0	0	0	2
	Jumlah	461	519	2,560 (5)	2,413 (10)

Nota: () Kematian

* Bilik Gerakan Denggi Kebangsaan.